

家事二三件

古水

壬辰年八月十八 / 2012-10-03

今日夜飯時，母責余曰：「汝今亦匪小，理當知禮。汝家叔伯來，居內室不出，行止孤僻，待人失教，是將何以敦穆親族？汝父日老，汝不爲之分憂，養兒何益！」余唯唯，揀菜置諸母碗，對曰：「兒今知之，日後必改。」母意稍解。

母曝鞵于外，余三過若無睹，哺時母佯怒：「汝不見鞵乎，何不爲我收之。」余大慚，疾去收鞵。大母見之，撫余背而笑：「吾兒今後眼中可有事耶？」

余姊新置一車，親眷攜禮來賀，母備酒食，呼余炊飯，余但撫額謂姊曰：「汝購車，我受累。」